



續修宗譜序

建齋

吾族祖漢潁陽壯侯至今年千七八
百有餘世五十七八不等舊譜稱二百
八十餘支散處數千里外蓋蕃衍之
猶他族而宗派井然賴世有官籍及
家乘可徵也潁陽宗四十九世大叅

遯齋公著系從錄序云史氏譜系
綦嚴系從必推其祖序倫必詳其
世故有遠而相親近而不混顯而毋
附微而不遺者此本四十六世明太僕
王陽公遺帙而為之耳吾四明支譜
輯自五十二世宗伯立菴公者尚在而會

稽族司馬璞菴公系友考又本遜齋
公書而擴之為譜錄合編則所係尤
重曩予與餘姚族兄積琫松杭之崇
善寺修葺原板補載餘姚鄱陽兩友
板存浙紹宗祠內亦遜齋璞菴兩公
原例也今嘉慶乙丑桐城族弟慕

魚來楚入予署得見分友考用聚
珍板式榻若干冊以歸予跋之尾
幅示不誣焉抑欲因慕思廣布
各友咸體斯志則先世光裕昭
謀松馬縣衮益熾矣昨族姪達
善自浙來言吳江善襄溧陽錫祐

兩族姪適集省垣相與各舉所知宗派
達善又因予觀風回長沙族姪觀善
族曾孫籍悠諸生等携支譜以示考
遷徙始末已詳璞菴公及桐城慕
魚序中其各郡數支皆從自深明
廼出譜錄合編本系合增附輯為

分文統譜顧予恭膺

簡命旬宣前學憲狄次公甚稱龍陽茂才

史承墀年甫十二穎悟異常因命龍

陽族姪原署江華訓導學歐携墀

赴署詢之皆溧陽裔學歐先世遷自

江右承墀祖籍眉州仍令達善與之

互證按次補加長是孝廉致祥左宗與
予叙睦經今有年每談及支分字
內譜未重脩茲長沙族姪章善等方
拳々修祖塋創宗祠增支譜聯合隔
屬欲自別於藉攀杜^附以曉族人則
願得予一言以正之予曰是固詳於

統譜中者為舉今昔各譜之大要
且顧其初以誌吾溧陽一本之親父
而彌篤而其它無後贅也是為序

時

嘉慶十三年歲次戊辰孟春月吉旦
賜進士出身

欽命湖南長沙等處承宣布政使司布政使
溧陽侯五十四世孫柘溪積容謹譔

